



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones Benedicti XIV. ab Anno 1748. usque ad
Annum 1752 - Cum Supplemento ad Ann. 1742. 1745. 1746. & 1748

Luxemburgi, 1754

XXV. Indulgentiæ Jubilæi Anni Sancti MDCCL. pro Monialibus, Oblatis,
Tertiariis &c. necnon Anachoretis, Eremitis, Infirmis, & in carcere, aut
captivitate detentis, conceduntur. 17. Decembris 1749.

[urn:nbn:de:hbz:466:1-74772](https://nbn-resolving.org/urn:nbn:de:hbz:466:1-74772)

XXV.

Indulgentiæ Jubilæi Anni Sancti MDCCL. pro Monialibus, Oblatis, Tertiariis &c. necnon Anachoretis, Eremitis, Infirmis, & in carcere, aut captivitate detentis conceduntur.

Cum Facultatibus circa absolutiones, & votorum commutationes.

BENEDICTUS EPISCOPUS,

Servus Servorum Dei. Ad futuram rei memoriam.

Pontificis providentia piis Fidelium votis, & necessitatibus occurrit.

PATERNA charitas urget Nos, ut omnium Nostrorum Ecclesiæque Filiorum pia vota, non tam oblata Nobis benignè suscipere, quam animo vix concepta prævertere, eisque recluso Apostolicæ liberalitatis thesauro occurrere studeamus. Dum itaque frequentes ex omni Christiani Orbis Regione Fideles ad Nostram hanc Urbem, & ad Beatorum Apostolorum Limina, pro indiçto a Nobis imminenti Anni Sancti Jubilæo consequendo, partim jam advenientes intuemur, partim venturos accipimus, ad complures alios utriusque sexus Christianifideles mentis Nostræ oculos convertimus, qui non minori devotionis spiritu incensi, vel etiam animarum suarum necessitatibus impulsæ, hujusmodi iter avidè aggredierentur, nisi eos aut susceptum sanctioris vitæ propositum certis locorum spatiis affigeret, aut ineluctabilis captivitas, vel corporalis infirmitas detineret. Horum Nos fidei ac desiderii favere, nec non spiritualibus indigentis consulere, simulque piæ preces supplicationesque eorum omnium, inter quos Evangelicæ perfectionis sequaces animæ, lectissima portio Domini gregis, connumerantur, Nostris, congregatæque Nobiscum Fraternalitatis obsecrationibus, ad exorandam Omnipotentis Dei misericordiam, adjungere cupientes, præsentium Literarum tenore opportunas rationes præscribere decrevimus, per quas tam Viri, quam Mulieres, in Eremitis, Monasteriis, & Religiosis Domibus assidue vitam degentes, seu in custodiis, & carceribus detenti, aut morbis & infirmitatibus procul ab Urbe impediti, etiam ad ipsam Urbem non accedentes, neque sacras Apostolorum memorias, & Patriarchales ejusdem Urbis Basilicas respectivè visitantes, permissarum absolutionum, concessaque a Nobis plenarii Jubilæi participes effici valeant.

Jubilæum cum opportunis favoribus illi adiunctis ad diversa personarum genera extendit.

1. Ad Moniales, Oblatas, Tertiarias, aliasque Puellas, & Mulieres, quæ hinc declarantur.

§. 1. Ut autem nemini dubium oriri possit, quænam personæ sub harum Literarum providentiæ comprehendantur: in primis Moniales omnes, quæcumque solemnibus Religionis vota emiserunt, & in Monasteriis, sub perpetuæ Clausuræ legibus, sive Locorum Ordinariis, sive Regularibus Superioribus, sive Apostolicæ Sedi immediatè subjectæ, vivunt; earum quoque Novitias, aliasque Virgines, seu Mulieres sæculares, Educationis, aut alia de causa, cum opportunis licentiis, in eisdem Monasteriis habitantes; item Monasteriorum hujusmodi Moniales, quæ aliquando ad elemosynas colligendas ex eorundem Clausura egrediuntur; nec non Oblatas in communitatibus viventes, quarum institutum ab hac Apostolica Sede approbatum existit, cum earum pariter Novitias, Educandas, aliisque cum ipsis conviventibus, licet rigorosæ Clausuræ legibus adstrictæ non sint; Tertiarias quoque sub uno eodemque tecto collegialiter viventes, unâ cum earum Novitias, Educandas, aliisque sæcularibus Per-

sonis in earum societate viventibus, quamvis rigorosam Clausuram non observent, earumque Institutum, nec unquam ad hunc diem ab Apostolica Sede approbatum, aut confirmatum extiterit, neque pro approbato, præsentis concessionis vigore, in posterum haberi debeat; ac denique Puellas atque Mulieres in Conservatoriis degentes, quamvis nec Monialium, nec Oblatarum, nec Tertiariarum numero habeantur, neque Clausuræ legibus subjectæ sint, tam in Urbe, quam extra eam ubique locorum & gentium existentes, præsentis concessionis favoribus uti, frui, & gaudere posse volumus, & declaramus.

§. 2. Item Anachoretas & Eremitas, non quidem eos, qui nullis Clausuræ legibus adstricti, sive collegialiter & in societate, sive etiam solitarii, sub Ordinariorum etiam regimine, certisque legibus aut regulis obtemperantes, vivunt, sed eos, qui in continuâ, licet non omnimodè perpetuâ, Clausurâ & solitudine, contemplativæ vitæ exercitiis dediti, alter ab altero seorsim degunt, etiam si Monastici, aut Regularis Ordinis, & Instituti Professores existant, uti Cistercienses aliquot, & Chartusenses Monachi, & Eremitæ Sancti Romualdi in more habent, sub hujus concessionis amplitudine volumus comprehensos.

§. 3. Ad eos etiam utriusque sexus Christianifideles, qui in captivitate apud hostes quoquo modo existunt, nec non ad eos, qui ubique locorum, ex civilibus, aut criminalibus causis, in carceribus tam Episcoporum, aliorumque Ecclesiasticorum Superiorum & Tribunalium, quam Sæcularium Principum, & Magistratum, & ad Regulares, qui in carceribus Clausuralibus detinentur, vel quia nondum eorum causæ expeditæ sint, vel quia tempus pænæ eisdem impostæ non adhuc sit elapsum; quive, ex Superiorum quorumcumque præcepto, aliquem locum, aut Civitatem, carceris, & custodia, seu exilii, & deportationis loco habent; ac demum ad eos, qui in Trimeribus, seu alibi, ad opus damnati, eique additi reperiuntur, ejusdem præsentis concessionis gratiam misericorditer extendimus. Pro iis tamen, qui carceribus Tribunalis Sanctæ Inquisitionis inclusi ubicumque detinentur, ea, quæ paternæ providentiæ Nostræ opportuna videbuntur, per organum ipsius Inquisitionis Officii præscribere non omittemus.

§. 4. Denique ad Infirmos pariter utriusque sexus, tam Laicos, quam Ecclesiasticos, sive Sæculares, sive cujuscumque Ordinis, Congregationis, & Instituti Regulares, qui nempe extra Urbem actu aliquâ laborant corporis infirmitate, a qua, juxta Medici judicium, non ita tempestivè liberari poterunt, ut intra ipsam Jubilæi annum ad Urbem conferre se valeant, vel qui, licet ex hujusmodi infirmitate convalescerint, non tamen sine gravi incommodo, & recidivæ periculo, Romanum iter conficere possent; quive etiam habitualiter infirmâ valetudine utuntur, adeo ut iter hujusmodi suscipientes, in actualem faciliè morbum, aliudve grave corporis incommodum incidere possent; ac demum ad senes septuagenario majores; quæcumque inferius præsentibus Literis respectivè statuentur, spectare & pertinere volumus pariter, & declaramus.

§. 5. Hos itaque omnes & singulos monemus, hortamur, & obsecramus in Domino, ut peccata sua in amaritudine animæ recolentes, totoque cordis affectu detestantes, salutari Pœnitentiæ Sacramento, & congruis satisfactionis operibus conscientias suas expiare curent; tum ad vivificum Divinæ Mensæ convivium, innocentia & charitatis stola ornati, reverenter accedant; Deumque Optimum Maximum,

2. Ad Anachoretas, & Eremitas, de quibus in hac declaratione.

3. Ad captivos, carceratos, relegatos, damnatos ad opus &c.

4. Ad actum vel habitum infirmos, & Senes septuagenario majores.

Præmissis omnibus opera pro Jubilæo conficiendo faciendâ designat.

per Unigenitum Filium ejus, ac per merita Beatissimæ Virginis Mariæ, & Sanctorum Apostolorum Petri & Pauli, omniumque Sanctorum, juxta Nostram, Ecclesiæque mentem, enixis precibus orent pro ejusdem Sanctæ Ecclesiæ exaltatione, hæresum extirpatione, Catholicorum Principum concordia, & totius Christiani Populi tranquillitate & salute; in eumque finem alia, tum voluntaria, tum sibi in locum Visitationis quatuor Basilicarum Urbis ab Ecclesiasticis Superioribus, ut infra, injungenda Religionis, Pietatis, aut Charitatis opera, devotè peragant, & exequantur.

In locum visitationis Basilicarum Urbis alia opera ab Ecclesiasticis Superioribus respective injungi mandat.

§. 6. Nos enim Venerabilibus Fratribus Episcopis, aliisque Locorum Ordinariis, per præfentes committimus, & demandamus, ut Monialibus, Oblatis, Tertiariis, aliisque superius expressis Puellis sive Mulieribus, tam sibi, quam Nobis & Sedi Apostolicæ immediate subjectis, in eorum Civitatibus, Diocæsis, & Territoriis existentibus, Anachoretis quoque & Eremitis, Carceratis, & morbo, seniove affectis, eorum jurisdictioni respective subjectis, atque etiam ab illa exemptis, quatenus Sæculares Personæ, aut extra Claustra forsan cum debitis licentiis Regulares existant; Regularibus autem Prælati, & Superioribus, ut subditis sibi Monialibus, & si quæ sint Oblate, aut Tertiariæ ipsorum regimini subjectæ, & ab Ordinariorum jurisdictione exemptæ, earumque Novitiis, aliisque in earundem Monasteriis, & Communitatibus, ut supra, degentibus extra Urbem, nec non Religiosis Anachoretis, sive Eremitis, aliisque Religiosis in Carceribus Claustralibus detentis, sive infirmis, & senibus septuagenario majoribus, congrua Religionis, pietatis, aut charitatis opera, æquabili disciplina, & indulgentiæ moderatione servatâ, sive per se ipsos, sive per prudentes Confessarios, designare & præscribere non omittant, quæ illi, & illæ, loco visitationum quatuor Basilicarum, & Ecclesiarum intra & extra Urbis Muros, a Nobis pro consequendo hujus Anni Sancti Jubilæo præscriptarum, juxta singulorum statum, conditionem, & valetudinem, ac loci, & temporis rationes, respective exequi & implere possint ac debeant; & quorum implementum Nos in earundem Visitationum locum, ad effectum ipsius Jubilæi consequendi, auctoritate Apostolica, commutando subrogamus. Pro Monialibus autem, Oblatis, & Tertiariis quibuscumque hujus Almæ Urbis, earumque Novitiis, nec non Puellis, atque Mulieribus tam in prædictarum Monasteriis & Communitatibus, quam in Conservatoriis ipsius Urbis degentibus, & pro Carceratis in ejusdem Urbis Carceribus, volumus, ut ad Dilectum Filium Nostrum Sanctæ Romanæ Ecclesiæ Cardinalem nostrum in ipsa Urbe, ejusque districtu Vicarium in spiritualibus Generalem, ejusve Vicegerentem dumtaxat, hujusmodi operum designationem, sive per se ipsos, sive per prudentes Confessarios, facere, omnino spectet, atque pertineat.

Indulgentiam plenariam concedit duabus vicibus consequendam.

§. 7. Itaque de Omnipotentis Dei misericordiâ, & prædictorum Beatorum Petri, & Pauli Apostolorum ejus auctoritate confisi, ex concessa Nobis, licet immerentibus, supremâ ligandi atque solvendi potestate, omnibus & singulis præfatis Monialibus, Oblatis, Tertiariis, aliisque Puellis, sive Mulieribus in Monasteriis, ac Religiosis, piisque Communitatibus viventibus, Anachoretis, Eremitis, nec non utriusque sexus Captivis, & in carcere, sive in custodia detentis, atque infirmis, & senibus, verè poenitentibus, & intra præfens Jubilæi Annum ritè confessis, ac Sacrà Communione refectis, Deumque Optimum Maximum, ut

supra dictum est, orantibus, aliaque sibi in locum Visitationis prædictæ injungenda opera, in locis, in quibus extiterint, devotè adimplentibus, atque etiam si, eorundem operum executione susceptâ, ipsos ante integrum eorum implementum ex hac vita migrare contigerit, plenissimam omnium peccatorum suorum indulgentiam, veniam, & remissionem, etiam duabus vicibus intra ipsius Anni Sancti decursum, si omnia præmissa opera injuncta iteraverint, per eorum singulos consequendam, non secus ac ipsi, & eorum quilibet, præmissa in hac Alma Urbe exequentes, & quatuor Basilicas ejusdem Urbis, pro quibus visitandis Jubilæum ipsum & Indulgentiam per Nos concessa fuit, eodem Jubilæi Anno, diebus ad id statutis, personaliter visitantes, consequentur, & consequi possent, tenore præsentium, ac de Apostolicæ liberalitatis amplitudine, concedimus, & elargimur.

§. 8. Eisdemque Monialibus, earumque Novitiis, ut, ad effectum præsentium, & pro prima vice dumtaxat, Confessarios Presbyteros sæculares, vel cujusvis Ordinis Regulares, a Locorum respective Ordinariis ad audiendas Monialium Confessiones approbatos quoscumque, cæteris autem supradictis Anachoretis, Eremitis, nec non Oblatis, Tertiariis, aliisque Puellis & Mulieribus in Monasteriis, & Religiosis, ac Pii Communitatibus, seu Conservatoriis conviventibus, & Christifidelibus captivitate, carceratione, aut custodia, infirmitate, aut senectute impeditis, tam Laicis, quam Ecclesiasticis sæcularibus, & cujusvis Ordinis, Congregationis, & Instituti, etiam specialiter nominandi, Regularibus, ut ad effectum hujusmodi, & pro prima pariter vice dumtaxat, Confessarios Presbyteros sæculares, sive cujusvis etiam diversi Ordinis Regulares, ab Ordinariis similiter, in quorum Civitatibus, Diocæsis, & Territoriis Confessiones hujusmodi excipiendæ erunt, ad Personarum secularium Confessiones audiendas approbatos quoscumque, eligere valeant; utque Confessarii sic electi, illorum Confessionibus diligenter auditis, eos, & eorum quemlibet a quibusvis peccatis, criminibus, & delictis, quantumcumque gravibus, & enormibus, etiam Sedi Apostolicæ reservatis, etiam in Bulla die Cæne Domini legi solita, contentis, absolvere, injunctâ ipsis poenitentia salutari, aliisque juxta Canonicas sanctiones, rectæque disciplinæ regulas injungendis, ac præsertim, quoad illos in carceribus detentos, quorum Criminales Causæ nondum conclusæ sunt, iisdem seriò admittis de obligatione, qua tenentur, Judicibus super eorum delictis legitimâ auctoritate eos interrogantibus veritatem aperire; quodque hoc animi proposito carentes, absolutionem sacramentalem nullo fructu, quin potius majori animarum suarum damno, susciperent; si autem cum hujusmodi veritatis fatendæ proposito, aliisque debitis dispositionibus, peccata sua ritè confiteantur, absolutio, quam a Confessario obtulerint, ipsis in foro interno utilis sanè & salutaris existet, nullatenus verò in foro externo ad temporales promeritas poenas evitandas professe poterit; utque præterea Confessarii a Monialibus, Oblatis, Tertiariis, aliisque Puellis, & Mulieribus supradictis ad præmissum effectum electi, iisdem Monialibus, intra Monasteria Clausuræ legibus subjecta solemniter Professis, Vota quæcumque post Professionem emissâ, & cum earum observantia Regulari compatibilia, dispensando commutare; Oblatis verò, Tertiariis, & tam istarum, quam prædictorum Monasteriorum Novitiis, cæterisque Puellis, sive Mulieribus sæcularibus in eisdem

Facultatem dar eligendi Confessarios pro absolutione a captivis etiam in Bulla Cæne referre.

Quid obsequandum a Confessariis etc.

Monialibus Oblatis Tertiariis etc. vota simplicia communitati dispensando permutant.

Monasteriis, & Oblatarum, aut Tertiariarum Domibus, & Communitatibus, nec non in Conservatoriis quibuslibet, Educationis, Convictus, aliave causâ & ratione, cum debitis licentis commorantibus, omnia & quaecumque Vota, exceptis illis, quæ Nobis & Apostolica Sedi reservata sunt, etiam dispensando commutare, easque omnes & singulas, factâ commutatione hujusmodi, ab emissorum Votorum, etiam juratorum, observantiâ absolvere possint & valeant, dictâ auctoritate Apostolicâ, & eandem tenore præsentium, misericorditer in Domino concedimus & indulgemus.

Contrariis derogat.

§. 9. Non obstantibus nostris super Indictione Jubilæi præsentis Anni in hac Alma Urbe, & super suspensione Indulgentiarum, & Facultatum eodem Jubilæi Anno vertente, nec non Prædecessorum Nostrorum de Indulgentiis non concedendis ad instar, aliisque Apostolicis, & in Universalibus, Provincialibus, & Synodali-bus Conciliis editis Constitutionibus, Ordinationibus, & Reservationibus, etiam in eadem Bulla Cæna contentis, nec non quorumcumque etiam Mendicantium, & Militarium Ordinum, Congregationum, Societatum, & Institutorum, etiam Societatis Jesu, etiam juramento, confirmatione Apostolica, vel quavis firmitate alia roboratis statutis, legibus, usibus, & consuetudinibus, etiam immemorabilibus, Privilegiis quoque, Indultis, & Literis Apostolicis eisdem concessis, præsertim in quibus caveatur expressè, quòd alicujus Ordinis, Congregationis, Societatis, & Instituti hujusmodi Professores extra propriam Religionem peccata sua confiteri prohibeantur. Quibus omnibus, & singulis, etiam si pro illorum sufficienti derogatione, de illis, eorumque totis tenoribus, specialis, specifica, & individua mentio faciendâ, vel alia exquisita forma ad id servanda foret, hujusmodi tenores pro insertis, & formas pro exactissimè servatis habentes, pro hac vice, & ad præmissorum effectum dumtaxat, plenissimè derogamus, ceterisque contrariis quibuscumque.

Hortatur Episcopos ad concedendas Facultates absolventi a casibus eisdem reservatis.

§. 10. Cæterum Venerabiles Fratres Episcopos, alioque Locorum Ordinarios hortamur, ut, Nostræ & Apostolicæ Sedis benignitatis exemplo permoti, Confessariis a præmissis omnibus ad eandem præsentium effectum respectivè eligendis, Facultatem absolventi eisdem a casibus eisdem Ordinariis respectivè reservatis, impertiri non recuset.

Transumptis fidem haberi decernit.

§. 11. Volumus autem, ut eandem præsentium transumptis, sive exemplis, etiam impressis, manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem ab omnibus fides habeatur, quæ ipsis præsentibus adhiberetur, si forent exhibitæ, vel ostensæ.

Sanctio.

§. 12. Nulli ergo omnino hominum liceat, paginam hanc Nostræ declarationis, hortationis, commissionis, concessionis, derogationis, decreti, & voluntatis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus, se noverit incursum.

Dat. die 17. Dec. 1749.

Datum Romæ apud Sanctam Mariam Majorem Anno Incarnationis Dominicæ millesimo septingentesimo quadagesimo nono, decimo septimo Kalendas Januarii, Pontificatus Nostri Anno Decimo.

D. Card. Passionens.

J. Datarius.

VISA DE CURIA. J. C. Boschi.

J. B. Eugenius.

Loco ✕ Plumbi.

Registrata in Secretaria Brevium.

Publicata die 22. Decembris dicti Anni.

Regulares Apostata ad suos Ordines cum poenarum condonatione revocantur.

XXVI.

BENEDICTUS EPISCOPUS,

Servus Servorum Dei. Ad futuram rei memoriam.

Exordium.

Pastoris æterni vices, licet immeriti, gerentes in terris, paternæ charitatis Nostræ partes esse reputamus, ut Oves, quas Sathana versutia a caulis Domini abduxit, ad eadem opportunis rationibus reducere, & ne in perpetuum pereant, quantum Nobis ex alto conceditur, providere studeamus.

Causa præsentis Constitutionis.

§. 1. Itaque in præsentis Anno Jubilæi, Anno scilicet remissionis & gratiæ, quem ad totius Catholicæ Ecclesiæ consolationem atque ædificationem, apertis, atque largiter prolatis spiritualium gratiarum dispensationi Nostræ divinitus creditarum thesauris, indiximus, & benedicente Domino, maximo cum animi Nostri gaudio celebramus, pietatis Nostræ viscera erga Regulares professionis suæ desertores aperire, eosque ad Christi Ovile, suos videlicet cujusque Ordines, extra quos, Luporum rapacium insidiis, atque periculis expositi, miserè vagantur, quantum Divina benignitas largiri dignabitur, ut ad salutarem vitæ normam, quam amplexi fuerant, velut postliminio reversi, vota sua Domino reddere studeant, revocare cupientes, ac fel. record. Urbani VIII., Clementis X., Innocentii XII., & Benedicti XIII. Romanorum Pontificum Prædecessorum Nostrorum, qui Annis Jubilæi tunc instantibus, seu currentibus, ejusmodi Regularium desertorum reductioni providè consuluerunt, vestigiis inhaerentes, auctoritate Apostolica, tenore præsentium, misericorditer indulgemus, ac statui-mus, & decernimus, ut Regulares Apostata & Fugitivi, cujuscumque sint Ordinis, tam Mendicantium, quam non Mendicantium, Congregationis, Societatis, & Instituti etiam necessario exprimenti, qui citra Montes intra quatuor, ultra Montes verò intra octo menses, a publicatione earundem præsentium Literarum inchoandos, sua sponte ad suam quisque Religionem redierint, tunc poenarum omnium ipsi propter Apostasiam hujusmodi inflictarum, vel infligendarum remissionem, atque impunitatem assequantur; ita tamen, ut debeant a suo quisque respectivè Superiore humiliter petere absolutionem, & coram eo culpam fateri, atque emendationem polliceri; & viceversa Superior benignè illos teneatur ab hujusmodi poenis absolvere, & paternæ charitate complecti; cui propterea, ad effectum præmissum dumtaxat, quatenus opus sit, omnem facultatem necessariam dictâ auctoritate harum serie imper-timur.

Conceditur Apostatis intra certum tempus redeuntibus condonatio poenarum.

Quid redeuntibus efficere debeant.

Clausulæ cum derogatoriis.

§. 2. Non obstantibus quibusvis Apostolicis, seu in Universalibus, Provincialibusque Conciliis editis generalibus, vel specialibus Constitutionibus & Ordinationibus, ac quorumvis Ordinum, Congregationum, Societatum, & Institutorum, aliive quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, statis, & usibus etiam immemorabilibus, Privilegiis quoque, Indultis, & Literis Apostolicis etiam Ordinibus, Congregationibus, Societatibus, & Institutis hujusmodi, illorumque Generalibus, & aliis Superioribus, ac Personis quibuslibet, sub quibuscumque verborum